

浮邱子

濟蒼題籤



浮邱子卷之三

益陽湯鵬海秋著

去壅

浮邱子曰。君猶月也。衆猶水也。國猶體也。政猶腹也。月蝕則闇。水開則逆。體縛則困。腹積則瘠。是故。駭雲靈則月明。濬潘渚則水利。破拘繫則體豁。刺癥結則腹舒。然則去壅。良有說乎。曰。毋自是。則理求詳。理求詳。則好稽於人。毋自聖。則心小。心小。則好師人。好師人。則補所闕。好稽於人。則發所蒙。補所闕。則德有箴。發所蒙。則事有鄉。德有箴。事有鄉。壅是以去。毋枝蔓多端。則不計議窮人。毋凶矜好勝。則不氣勢判人。不計議窮人。則上不設術。不氣勢判人。則下不設防。上不設術。則可望而知。下不設防。則亡反中之患。可望而知。則上粹白。亡反中之患。則下驩薌。上粹白。下驩薌。壅是以去。毋虧己守。則齋莊積。齋莊積。則敬賢德。敬賢德。則敷心膺。敷心膺。則徵內。毋徵外。徵內。毋徵外。則文貌輕。文貌輕。則忠款重。忠款重。則有裏言。無匿事。有裏言。無匿事。則毋以沈密損其光大。毋以沈密損其光大。則毋包羞。毋叢悔。毋包羞。毋叢悔。壅是以去。毋護己短。則克治必克治。必則斥阿偏。斥阿偏。則言無售諛。行無售媚。言無售諛。則揣我愛憎。以為

媒孽者窘。行無售媚。則料我動止。以為門竇者塞。媒孽者窘。則黑白不圓。門竇者塞。則邪正不撓。黑白不圓。邪正不撓。壅是以去。毋疑信參半。則任使專。任使專。則受命者直前。受命者直前。則上不畏大君。掣其肘。下不畏羣口。騰其謗。上不畏大君。掣其肘。則智斷足以自伸。下不畏羣口。騰其謗。則窮劇事之根株。然後已。根株得。則利病聞。利病聞。則肺肝見。肺肝見。則千里一室。萬里一堂。千里一室。萬里一堂。壅是以去。毋明知故罷。則心如鏡。氣如霜。心如鏡。氣如霜。則有當理之怒。無溺情之恕。有當理之怒。無溺情之恕。則文姦者戰栗。文奸者戰栗。則悔其一。懲其再。悔其一。懲其再。則勤沐浴。勤沐浴。則謹獻替。謹獻替。則謹作為。謹獻替。則茹偽吐真。謹作為。則藥敗從善。茹偽吐真。則無墮於左道。於右之詐。藥敗從善。則無覆於前踵。於後之讐。無墮於左道。於右之詐。無覆於前踵。於後之讐。壅是以去。毋狙宴安。憚難大。則義氣舉。義氣舉。則煩氣束。煩氣束。則姪氣閉。煩氣束。則熾計小。談無敢逞。姪氣閉。則姦聲亂。色無敢犯。熾計小。談無敢逞。則慧不傷正。姦聲亂。色無敢犯。慧不傷正。愛不傷公。壅是以去。毋拘文義。破風議。則長材雄畧。正義直指進。正義直指進。則囁嚅退。長材雄畧。

進則超超退則眾正敢為嘯嘯退則眾正敢言眾正敢言則旁辟曲私無不宣旁辟曲私無不宣則鬼蜮皆有戒心眾正敢為則埤下裾拘無不振埤下裾拘無不振則童孺皆有特概童孺皆有特概則柔化為剛鬼蜮皆有戒心則陰化為陽柔化為剛則氣可用陰化為陽則情可恃氣可用情可恃壅是以去毋溺左右侍從則不主先入不主先入則覈人維理覈事維情則是非可否如繪覈人維理則進退高下如秤是非可否如繪進退高下如秤是以去毋徇貴戚則不唱左計不唱左計則為社稷蒼生求碩畫遠敵為社稷蒼生求碩畫遠敵則毋怵毫毛之費毋養邱山之禍毋怵毫毛之費則勞而後佚毋養邱山之禍則危而後安勞而後佚危而後安壅是以去毋笑詩書禮樂腐則儒雅特儒雅特則根本樹根本樹則枝葉刪枝葉刪則言有物言有物則行有則言有物則格君非行有則則扶國是格君非則君心之天人理欲無毫髮假君心之天人理欲無毫髮假則上下同一精神扶國是則國人之輕重緩亟無毫髮差國人之輕重緩亟無毫髮差則中外同一氣象上下同一精神中外同一氣象壅是以去毋課兵刑錢穀以為最也則官司斂官司斂則智詐銷

智詐銷則舞弄塞。舞弄塞則條理整。條理整則精神實。精神實則推行準。推行準則民怡而物順之。民怡而物順之。壅是以去。毋任胥徒操案牘。則事要莫可窺伺。事要莫可聞伺。則狡獪無所乘。狡獪無所乘。則胥徒不欺官司。胥徒不欺官司。則官司不欺公輔。官司不欺公輔。則公輔不欺朝廷。公輔不欺朝廷。則朝廷果於事要。朝廷果於事要。則天下果於其微。果於事要。又果於其微。壅是以去。毋愚黔首箱噤訴。則九州疾痛與君壹體。九州疾痛與君壹體。則慎簡民牧。慎簡民牧。則無廢職。無廢職。則無流心。無流心。則無貪恠。無貪恠。則無覆鷺。無覆鷺。則無慘殺。無慘殺。則無冤氓。無冤氓。則無亂氓。無亂氓。壅是以去。毋執一是。則推此測彼。毋犯羣忌。則舉一證百。推此測彼。則族類析。舉一證百。則綱領挈。族類析。則不受人愚。綱領挈。則不受人梗。不受人愚。則無疲照。不受人梗。則無懦行。無疲照。無懦行。壅是以去。毋存大意。則思之又重思之。毋逞臆說。則言之又長言之。思之又重思之。則聰明入言之又長言之。則指麾必聰明入。則曲而有理。指麾必則勁而有功。曲而有理。則無遺事。勁而有功。則無後言。無遺事。無後言。壅是以去。毋寄耳目於不知誰何之人。則謹叟不作。謹叟不作。

則聽觀不浮。聽觀不浮。則羣小揣摩無據。羣小揣摩無據。則瑣屑不足為明。疑似不足為詳。瑣屑不足為明。疑似不足為詳。則度其可而后與之。度其可而后與之。則忠不疏而直不午。忠不疏則日商權衡之事。直不午則日貢藥石之言。日商權衡之事。則萬事萬物稽其成。日貢藥石之言。則一食一息塞其壞。一食一息塞其壞。萬事萬物稽其成。壅是以去。毋廢修省。則深宮無慝。深宮無慝。則大廷無飾。大廷無飾。則守誠而履順。守誠則仁不必佞。履順則義不必震。仁不必佞。則上無周容其下。義不必震。則下無駭汗其上。上無周容其下。則體統崇。下無駭汗其上。則志氣靜。體統崇則不因屑越之故。生枝離。志氣靜則不因浮翬之故作。譸張。不因屑越之故。生枝離。則尊卑疏戚有序。不因浮翬之故作。譸張。則賢愚淑慝有準。尊卑疏戚有序。賢愚淑慝有準。壅是以去。毋謂天地山川鬼神遼遠。則夙夜敬共。夙夜敬共。則修於微微。感於冥冥。修於微微。感於冥冥。則不睹皆睹。不聞皆聞。不睹皆睹。不聞皆聞。則凡天下可睹可聞者。靡不睹聞。壅是以去。毋謂上下草木鳥獸無與吾事。則積慎生理。積愛生祥。積慎生理。則血氣流行。積愛生祥。則品物蕃殖。血氣流行。品

物蕃殖。壅是以去。易曰：天地不交而萬物不通也。上下不交而天下无邦也。言壅也。書曰：闢四門，明四目，達四聰。言去壅也。是故堯舜去壅，則帝湯武去壅，則王桀紂好壅，則誅幽厲好壅，則傷秦皇好壅，則祚短。漢祖去壅，則祚長。隋煬好壅，則國蹙。唐宗去壅，則國昌。是故社鼠掘穴，則不可以燠灌；塵埃旆覆，則迷不見山岡。葛藟蒙棘，則花不實；囊橐盛物，則隱其奇邪。不以章是故不去壅。不親上下，不去壅，不殖紀綱，不去壅，不成社稷，不去壅，不和天人陰陽。

甲匡

浮邱子曰：馭世有本。我惟時，其正。君正，君有本。我惟時，其格。心清夜不謹，毋務蒞眾。古意不蓄，毋務施才。驕矜不斂，毋務化俗。愆繆不剔，毋務成業。淺毋以泄，深毋以秘。淺以泄，羣乃竊；深以秘，羣乃惑。孫毋以悅，逆毋以怒。孫以悅，羣乃餌；逆以怒，羣乃逃。易曰：亢龍有悔。書曰：凜乎若朽索之馭六馬。夫亢龍匪福也，朽索匪計也。毋謂高而无危，毋謂盛而无替，毋謂智而无蠢，毋謂勇而无折。必思其高，又思其危；乃馮乃依，必思其盛，又思其替；乃戰乃栗，必思其智，又思其蠢。乃弗馳騁，必思其勇，又思其折。乃弗威裂，日中則昃，月盈則蝕。豫於未然，則既

修厥職履霜知冰踐露知暑心之憂矣則罔敢晏處是故攷中度衷以臨之正名育類以孚之溫良善下以居之淳耀惇大以成之纂其緒班其事昭其文定其武咨其耆老憚其輔拂熟其講貫振其英特刪其秕僻絜其垢玩奪其忠睢釋其猜禍莞其密秩其施除其近侖其初是故是非無盲妄貴聰明如鏡輕重無倒顛貴中正如秤縱橫無善策貴臣如伊周古今無弱運貴君如堯舜君不伊周其臣故視臣如草芥臣不堯舜其君故愛君如婦寺丈夫愛君以道故去唯阿存訓迪婦寺愛君以私故有將順無匡扶人材一升一降故丈夫或變為婦寺君心一然一否故婦寺或變為途人是何也始乎匡扶卒乎惶恐始乎惶恐卒乎苟同者君有虛馘臣無骨力也始乎匡扶卒乎揣摩始乎揣摩卒乎詭隨者君有曲竇臣無操履也故曰丈夫變為婦寺也始乎將順卒乎侮辱始乎侮辱卒乎罷斥者君有大心臣無禮數也始乎將順卒乎繆誤始乎繆誤卒乎縻爛者君有戾節臣無福澤也故曰婦寺變為途人也是故臣道亡他踰踰者賤嗶嗶者昌君道無他晏晏者危戰戰者康孟子曰責難於君謂之恭陳善閉邪謂之敬責其難君乃思艱乃底厲乃不敢自暇逸閉其邪君乃思閑乃箴乃

銘乃不敢自疚於厥心。毋謂室幽。人將執燭以求。執燭以求。照厥慙羞。毋謂魚
潛。人將取魚於淵。取魚於淵。不其慎旃。是故金從冶。木從繩。苦口之藥。利於病。
逆耳之言。利於行。言天必言人。毋天有戒。而人悅。激也。言古必言今。毋古可則。
而今威裂也。言貴必言賤。毋一人貴。而羣萬賤也。言聖必言狂。毋名號聖。而底
裏狂也。言初必言終。毋美始基。而隳末路也。言理必言亂。毋席太平。而生厲階。
也。言得必言喪。毋國將踣。而工忌諱也。言生必言死。毋身既槁。而難寄託也。如
霆如雷。振我解緩。如虎如冰。束我以敢。苟握其然。毋患其疑。苟納其安。毋患其
移。布之昭昭。修之冥冥。散之九有。積之一心。是故知人在檢。身安民在克己。夷
大難。在制氣。震至理。在虛心。洗鴆毒。在聳公。抑私伐。錮疾在遭善。改過植紀。綱
在黜華。崇實奠社稷。在操本治末。

乙匡

浮邱子曰。天司員。地司方。鳳司鳴。麟司走。官司事。厥理一也。裘治寒。扇治暑。穀
治飢。泉治渴。官治事。厥情一也。是故學其學。則事其事。食其食。則事其事。學體
也。事用也。食予也。事報也。體必用。用必體。予必報。報必予。雖然。體有四缺。用有

五弛予有六濫報有七難四缺維何一日攷古缺智莫燭其由二曰積衷缺定莫牢其守三曰乘氣缺剛莫戰其勝四曰律躬缺雅莫風其羣五弛維何一日經常弛於俳笑以小謀亂大作二曰名義弛於妖冶以曲說撓直行三曰法令弛於奸猾以飾是逃真非四曰器局弛於衰淺以短具充長駕五曰材能弛於浮靡以濁質污清時六濫維何一日維庸生昧維昧生濫二曰維曲生私維私生濫三曰維汎生離維離生濫四曰維懦生隨維隨生濫五曰維寵生驕維驕生濫六曰維豔生貪維貪生濫七難維何一日浮文妨要則知植紀綱之難二曰末術阿時則知舉禮樂之難三曰和光同塵則知作忠義之難四曰持祿養交則知倡勇敢之難五曰神光離合則知通上下之難六曰名實繆戾則知理民人之難七曰精氣否隔則知感天地之難是故君子缺者修之弛者振之濫者汰之難者勸之易曰剛健篤實輝光日新其德修其缺也詩曰嗟爾君子無恒安處靖共爾位正直是與振其弛也書曰慎簡乃僚無以巧言令色便辟側媚其維吉士汰其濫也春秋傳曰進思盡忠退思補過勸其難也是故不修四缺不可為體不振五弛不可為用不汰六濫不可為予不勸七難不可為報馬

食粟也。而為人做其千里之勞。鳶雖學飛也。而必驗之九天之上。故曰學其學。則事其事。食其食。則事其事也。毋學其學。急事其事者。躁而亡理者也。學其學。毋事其事者。高而亡降者也。毋食其食。厭事其事者。逸而難使者也。食其食。毋事其事者。勱而難名者也。勱而難名者。猶不耕思獲。不織思錦也。逸而難使者。猶鼠有牙。牛有角。自用而不為人用也。高而亡降者。猶夸泰山而躓於垤。於滄海而溺於溝也。躁而亡理者。猶弓不待矢。車不須御。而姑且試之也。是故君察臣以兩楨。臣赴君以兩符。兩楨維何。一楨曰。毋孫于汝志。謂之賢。毋逆于汝心。謂之否。昔楚文王有疾。告大夫曰。筦饒犯我以義。違我以禮。與處不安。不見不思。然吾有得焉。必以吾時爵之。申侯伯吾所欲者。勸我為之。吾所樂者。先我行之。與處則安。不見則思。然吾有喪焉。必以吾時遣之。今若通楚文王之意。類乎筦饒者。盍尊顯。類乎申侯伯者。盍罷絀。尊顯一筦饒。於以作百筦饒之氣。罷絀一申侯伯。於以塞百申侯伯之膽。此一楨也。二楨曰。毋睡于所親愛。謂之賢。毋忤於所親愛。謂之否。昔齊威王召即墨大夫。語之曰。自子居即墨。毀言日至。吾使人視即墨。田野闢。人民給。是子不事吾左右以求助也。封之萬家。召阿大夫。

語之曰。自子守阿。譽言日至。吾使人視阿。田野不闢。人民貧餓。是子厚幣事吾左右以求譽也。是日烹阿大夫及左右嘗譽者。今若通齊威王之意。類乎毀即墨大夫者。盡昭雪。類乎譽阿大夫者。盡鋤艾。昭雪一毀即墨大夫者。於以醒百譽阿大夫者之心。此兩槌也。兩符維何。一符曰。國不患不君。患不臣。臣不患不令。患不古。物之妍媸。析於鏡。君之善敗。操於輔。好荒之君。輔以駿雄之臣。猶可為也。此齊桓公所以自彊也。好察之君。輔以佞衰之臣。不可為也。此唐德宗所以自蔽也。下材之君。輔以智濟之臣。猶可為也。此衛靈公所以不喪也。中材之君。輔以闇冗之臣。不可為也。此明懷宗所以不支也。知其臣則知其君。知其君則知其政。此一符也。二符曰。君祚繫於臣道。臣道繫於人材。人材繫於天命。天命繫於國脈。國脈方張。必產賢詰之臣。此殷高宗周宣王所以中興也。國脈方弛。必樹庸鄙之臣。此漢桓靈唐懿僖所以不振也。國脈雖盛。必厭諛悅之臣。此秦二世隋煬帝所以速亡也。國脈雖微。必杖幹畧之臣。此晉江左宋南渡所以能存也。知其臣則知其國。知其國則知其運。此兩符也。書曰。邦之杌隤。曰由一人。邦之榮懷。亦尚一人之

慶是故臣道可以扶君可以扶天是何也天道可知而不可知君道可恃而不可恃天有時而不愛天下國家故水潦旱乾兵戈盜賊作焉君有時而不治天下國家故般樂怠傲恣睢暴戾作焉天在冥冥之中君在巍巍之上謂之何哉唯臣也則無可以不愛天下國家之時則無可以不治天下國家之時不治天下國家謂之慢臣不愛天下國家謂之疑臣慢而不已積為流湏謂之荒臣荒而不已成為淩夷謂之辱臣疑而不已積為榛梗謂之險臣險而不已成為傾覆謂之亂臣語曰屋大柱小可為寒心於乎凡百君子允哉允哉其毋廢乃致身之義

甲繆

浮邱子曰君子毋敢有蓋世之心毋敢有僂人之心有蓋世之心節必漏竅必聾體必缺勢必窮有僂人之心天必怒神必凶蓄必降禍必叢大舜舍己從人禹聞善言則拜此名德也名德之不修於是乎夏桀力能申鉤索鐵而有南巢之放也矣商辛智足拒諫飾非而首懸太白之旗也矣湯開三面之網武除炮烙之刑此仁政也仁政之不講於是乎鄭鑄刑書而叔向訾其敗也矣晉鑄刑

鼎而仲尼料其亡也矣。語曰：前事之不忘，後事之師也。夫夏桀商辛，則皆蓋世之為害也。叔向仲尼，則皆明僂人之不可也。如之何其勿鑒戒也？是故九州之大，朝下一令而暮周徧之，謂之騁兆民之多。我創一法而盡芟刈之，謂之甚智。察目前，罔圖後患，謂之倖苛治元元，偪令他彘，謂之屏不量彼已，擅開釁，謂之債不校真似，橫施術數，謂之影除亂太驟，求治太急，謂之聳捍危不能求安，不得謂之梗。是故君子知寡如衆，則知畏；知止，知行則知慎；知猛，知寬則知平；知死，知生則知正。易曰：无有師保，如臨父母。知畏也。夫詩曰：如臨深淵，如履薄冰，知慎也。夫書曰：罪疑惟輕，功疑惟重，知平也。夫禮曰：以著其義，以考其信，知正也。夫是故衣袂其袵，室留其隅，君子毋敢滿也。滿則去夷塗而蹈崎嶇，鳳含其味，麟肉其角，君子毋敢烈也。烈則耗元氣而憂患作。是故齊桓病在滿，此末路所以必折也。秦皇病在烈，此大化所以竟斬也。符堅病在滿，此拙舉所以不昌也。柴氏病在烈，此治理所以太猶也。且夫上彌滿則下彌遜，上彌烈則下彌恐，遜生偽，偽生伺，伺生中，恐生側，側生移，移生借，積生中生，借之意，以至乎上之前，則焉往而不狡獪焉？凡有所紛，云以成滲漏，有所難，難以成窒礙，有所描

畫以成枝梧有所披猖以成純繆則曰此請於上而后行者也下無能為焉凡有所肥美以儻豔慕有所枯穢以償辟忌有所擠墜以償怨毒有所援繫以償請寄則曰此請於上而后行者也下無能為焉凡古先載籍所無而不為詳祖宗彝訓所無而不為詳大君體統所無而不為詳蒸民物則所無而不為詳則曰此請於上而后行者也下無能為焉凡老成耆艾所非而不為悚兒童走卒所非而不為悚肺腑親戚所非而不為悚草茅儒生所非而不為悚則曰此請於上而后行者也下無能為焉且夫下無能為此三代已降為人上者所樂聞也此三代已降為人下者之老計秘訣也下足恭而不忤上上怵中而不攷下下不忤上而上之動止起訖在下之計數之中上不攷下而下之淺深然瓦在上之意料之外於是下彌鬼而上彌滿彌烈蒙切惑焉未見其可也孔子曰人皆曰予知驅而納諸罟獲陷阱之中而莫之知辟也孟子曰夫撫劍疾視曰彼惡敢當我哉此匹夫之勇敵一人者也夫皆曰予知滿之至也而人心之罟獲陷阱亡窮慘之至也惡敢當我烈之至也而一人之外不能敵辱之至也滿生慘慘生剝剝生落烈生辱辱生感感生盡積生落生盡之勢以至於社稷之不

血食子孫黎民之不能保則何益之有焉。是故君子必是之見。毋鄰於執。必剗之舉。毋鄰於愎。必振之積。毋鄰於驟。必督之愚。毋鄰於威。謙謙乎其光也。肫肫乎其臧也。蕩蕩乎其流為羣物之福也。喁喁乎其致遠人之服也。昔魏武侯出而謀其臣。其臣不逮。退有喜色。於是趙人拔其黃城矣。楚人取其蒲棘矣。楚莊王出而謀其臣。其臣不逮。退有憂色。於是麋人致其百濮矣。陳人致其栗門矣。秦二世行督責。喜連坐。其臣莫不從而阿諛之。於是陳涉起於戍卒矣。劉邦起於亭長矣。漢文帝寬誹謗。除肉刑。其臣莫不從而匡輔之。於是匈奴與為和親矣。尉佗去帝稱臣矣。繇此觀之。武侯以矜夸而失。莊王以儆戒而得。二世以暴虐而失。文帝以仁厚而得。羣物以無本而失。以有本而得。遠人以無度而失。以有度而得。夫斷港絕潢。十日不雨。則涸。長江大河。歷千歲而流不竭。一無本。一有本也。疾風暴雨。不崇朝而止。化日熙陽。自韶至耄。而庀于其下。一無度。一有度也。我聞曰。福至有基。禍生有胎。是故蓋世者身必殃。知畏知慎者身必祥。僂人者國必傷。知平知正者國必昌。

乙繆

浮邱子曰。智者擇言。勇者擇術。忠者擇任。信者擇譽。毋擇言而左拾右取。以干君王之聽者。謂之剽盜。毋擇術而斲其性。違其時者。謂之枉撓。毋擇任而處非其據者。謂之騰越。毋擇譽而挾其說。文回波之妙。以震盪羣愚之耳目口者。謂之褻譟。其在巷伯之首章曰。哆兮哆兮。成是南箕。誠剽盜也。夫角弓之卒章曰。如蠶如髦。我是用憂。誠枉撓也。夫其在夬之初九曰。壯于前趾。往不勝為咎。誠騰越也。夫中孚之上九曰。翰音登於天。貞凶。誠褻譟也。夫是故飾智驚愚者。材必淺。逞先忘卻者。氣太張。玷國榮軀者。心乃喪。血人肥己者。理豈長。是故君子靜必思天地。動必思民物。與天地齟齬者。君子毋蓄之慮。而摹擬之。與民物榛梗者。君子毋畫之事。而趣召之。是故君子得君必思政。得衆必思儆。凡窒礙而不可為政者。君子毋釣於君。而倡於朝。凡鹵莽而不可為儆者。君子毋虐於衆。而令於野。是故君子有本有識。則思其成。無本無識。則思其不。成則身之祚也。不則身之殃也。是故君子其成也。則思其世之隆。其不也。則思其世之替。隆則一代萬代之榮也。替則一代萬代之辱也。是故隆替總於一人。是非啟於一言。夫差敗越而不威。宰嚭一言悞之也。懷王入秦而不反。子蘭一言悞之也。漢危